



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA SPORAZUM O SARADNJI U
AKTIVNOSTIMA NA PREVENCIJI I BORBI PROTIV KORUPCIJE
(prijedlog)

Predlagač: Gradonačelnica
Obrađivač: Gradska služba za opću upravu
i zajedničke poslove

Sarajevo, maj 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva na ____sjednici održanoj ____2021. godine, donosi

(prijedlog)

ODLUKU
O DAVANJU SAGLASNOSTI NA SPORAZUM O SARADNJI U
AKTIVNOSTIMA NA PREVENCIJI I BORBI PROTIV KORUPCIJE

Član 1.

Ovom odlukom daje se saglasnost na Sporazum o saradnji u aktivnostima na prevenciji i borbi protiv korupcije (u daljem tekstu: Sporazum) zaključen dana 14.04.2021. godine, između Grada Sarajeva i Ureda za borbu protiv korupcije i upravljanja kvalitetom Kantona Sarajevo.

Član 2.

Ovlašćuje se gradonačelnica Grada Sarajeva da preduzima sve aktivnosti i donese akte u cilju provođenja Sporazuma.

Član 3.

Sastavni dio ove odluke je Sporazum.

Član 4.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo,

O B R A Z L O Ž E N J E

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisana nadležnost Gradskog vijeća da donosi odluke, druge propise i opće akte i daje njihovo tumačenje

RAZLOZI DONOŠENJA

Grad Sarajevo i Ured za borbu protiv korupcije i upravljanja kvalitetom Kantona Sarajevo, zaključili su Sporazum o saradnji u aktivnostima na prevenciji i borbi protiv korupcije, dana 14.04.2021. godine, kojim se utvrđuju aktivnosti na prevenciji i borbi protiv korupcije te namjeri stvaranja jedinstvenog, efikasnog i učinkovitijeg pravnog i tehničkog okvira borbe protiv korupcije. Sporazumom su predviđene aktivnosti gradonačelnice na provođenju ovog Sporazuma, čije je stupanje na snagu uvjetovano davanjem saglasnosti od strane Gradskog vijeća Grada Sarajeva.

Shodno izloženom, Gradsko vijeće Grada Sarajeva donijelo je ovu odluku.

Grad Sarajevo, kojeg zastupa Gradonačelnica Grada Sarajeva doc.dr. Benjamina Karić, sa sjedištem u ulici Hamdije Kreševljakovića 3. Sarajevo

i

Ured za borbu protiv korupcije i upravljanje kvalitetom Kantona Sarajevo, kojeg zastupa šef Ureda dr. Erduan Kafedžić, sa sjedištem ulici Reisa Džemaludina Čauševića 1. Sarajevo, zaključuju

SPORAZUM

O SARADNJI U AKTIVNOSTIMA NA PREVENCIJI I BORBI PROTIV KORUPCIJE

Član 1.

Grad Sarajevo i Ured za borbu protiv korupcije i upravljanje kvalitetom Kantona Sarajevo provodit će aktivnosti na prevenciji i borbi protiv korupcije, te stvarati jedinstveni, efikasniji i učinkovitiji pravni i tehnički okvir borbe protiv ove negativne socijalno – patološke pojave.

Član 2.

Gradonačelnica Grada Sarajeva će donijeti Instrukciju o pristupanju Odluci o Registru zaposlenih u javnom sektoru na području Kantona Sarajevo, Instrukciju o pristupanju Odluci o Registru imenovanih lica u Kantonu Sarajevo i Instrukciju o pristupanju Odluci o Registru podataka o javnim nabavkama koje provode institucije čiji je osnivač Kanton Sarajevo, kojim će se uspostaviti Registar zaposlenih u organu uprave Gradu Sarajevu, Registar imenovanih u organu uprave Gradu Sarajevu i Registar podataka o javnim nabavkama koje provodi organ uprave Grad Sarajevo, a u cilju povećavanja transparentnosti rada organa uprave Grada Sarajeva.

Član 3.

Registri iz člana 2. Ovog Sporazuma sadržavat će podatke o zaposlenim licima, imenovanim licima i javnim nabavkama koje provodi organ uprave Grad Sarajevo. Svrha uspostavljanja ovih registara je prevencija zloupotrebe u zapošljavanju, prevencija mogućih pojavnih oblika sukoba interesa i prevencija mogućih nezakonitosti ili nesvršishodnosti u postupcima provođenja javnih nabavki u organu uprave Gradu Sarajevu.

Član 4.

Registri iz člana 2. Ovog Sporazuma će biti dio Informativnog sistema Ureda za borbu protiv korupcije i upravljanje kvalitetom Kantona Sarajevo, a podaci iz registara javno će biti objavljeni i dostupni i moći će se vidjeti na stranici www.anticorruptiks.com.

Član 5.

Ured za borbu protiv korupcije i upravljanje kvalitetom Kantona Sarajevo će pružati stručnu i tehničku pomoć u implementaciji uspostave registara iz člana 2. Ovog Sporazuma i iste će voditi u svom Informativnom sistemu, dok će za neposredni unos podataka biti zadužena ovlaštena lica/zaposlenici Grada Sarajeva.

Član 6.

Ovaj sporazum stupa na snagu nakon davanja saglasnosti na isti od strane Gradskog vijeća Grada Sarajeva.

Član 7.

Ovaj sporazum je sačinjen u šest istovjetnih primjeraka, od kojih svaka od sporazumnih strana zadržava po tri primjerka.



Gradonačelnica Sarajeva
doc. dr. Benjamina Karić

Ured za borbu protiv korupcije i upravljanje
kvalitetom Kantona Sarajevo



Broj: 01/04-04-1683/21
Datum: 14.04.2021

Broj: 20-04-17834/21
Datum: 14.04.2021. godine